

23. et 25. Martij, 6. et 9. Aprilis, denique 12. Julij Mensium Conferentiarum Acta per constitutum eorundem modo Provisorio Secretarium Dominis Statibus et Ordinibus relata sunt. Prothocolo conferentiali inserenda.

Articulus Vigessimus Quintus.

Ad elaborandam exigendae imposterum Contributionis Normam Deputatio ordinatur.

Erga benignum Suae Majestatis Sacratissimae de dato 18. Mensis Augusti Anni modo labentis emanatum, deque Norma, secundum quam Contributionales peccuniae sine ullo distincto contribuentium aggravio colligi, et secure ad Cassam Regni administrari, quave item ratione datae de iisdem Quietantiae tam facili amissioni obnoxiae non sint, elaboranda elementer sonans Mandatum, Status et Ordines hanc e medio sui eum in finem delegerunt Deputationem; Et quidem pro Praeside Illustrissimum Dominum Comitem Petrum Troilum a Sermage, Suae Majestatis Sacratissimae in Confinijs Regni Banalibus Vice-Colonellum, et Tabulae Banalis Assessorem, Dominum Georgium Malenich, Chathedralis Ecclesiae Zagrabiensis Lectorem, Dominos item Joannem Busan, antelatae Tabulae Banalis Assessorem, Suae Majestatis Sacratissimae Consiliarium et Supremum Regni Exactorem, Josefum Raffay, altaefatae Suae Majestatis Sacratissimae Consiliarium, Nicolaum Bedekovich Varasdinensis, Joannem Raics Crisiensis et Georgium Petkovich Zagrabiensis Comitatum Vicecomites, ac pro Actuario Petrum Spissics, Causarum utriusque Fori Advocatum; Operis laborisque sui relationem in Publico facturos. Quae omnino in publico lecta in eo, ut sublatis ad mentem benignae ordinationis Regiae Schaedalibus Grossis, ipsis, qui Exactori Regni Subalternati sunt, in salarium floreni 40 cedant, modificata est, et Modalitate sequenti applicata.

(Caeteris exmissis.)

Originale in Archivio Regni Croatiae.

1756. MENSE APRILI. ZAGRABIAE.

Articuli Generalis, A. 1756. 6. et sequentibus Mensis Aprilis diebus, Zagrabiae, celebratae Congregationis.

Acta et Articuli Inclytorum Dominorum Statuum et Ordinum Regnorum Dalmatiae, Croatiae et Sclavoniae, in Generali Eorundem, ex Edicto et sub Praesidio Illustrissimi Domini Comitis Domini Adami junioris de Batthyan perpetui in Nemeth-Uj-Vár, Sacrae Caesareo Regiae Majestatis Actualis Camerarii, Generalis Campi Vigiliarum Praefecti, Comitatus Castri Ferrei perpetui Comitis et